

Michigan Stay Home order kha May thla ni 15 tiang sauh a si.

April 24, 2020 ah Governor Whitmer nih Michigan "Stay Home" order kha May thla ni 15 tiang a sauhter mi kong le thil a thleng mi kong te hna thawng a thanh.

Ngan damnak lei rian tuan a herh lomi cu inn ah um ding a si. A tlangpi in cun mipi nih mah le inn cio ah um ding l a **herh hrim hrim lawngah leng chuah ding** ti a si. An rak tial ning in, leng ah i chawh sawhsawh, tlangkai, tlik, cycle cit, tilawng cit (kayaking, canoeing), si lo le a dang nuamhnak tuah khawh a si l hmun khat um tti lo mi hawi he cun pe 6 hlat um ding, cun, hawi sin chuah tik ah tuah herh an timi te hna kha zulh ding ti a si. Social distancing (hlatnak) timi ralring te in zulh ahcun, tilawng (motorized boating) le golfing (golf mawtaw hman lo in) tuah khawh an ngah. Inn dang ummi he l len khawh a ngah, asinain, **a herh hrim hrim lawngah l len ding**. All state parks will remain pen as they have been throughout the COVID-19 pandemic.

Dawr kai mi minung zei maw zat a lut-chuak kho ti ah ri an ser mi cu zulh peng ding a si. Dawr a kau/lian deuh mi 1,000 square feet a si ahcun, minung 4 nak tam deuh um a ngah lo. Dawr a bi/fa deuh mi ca, fire code an sermi ah minung 25% (zakhat chung - 25/100) lawng um a ngah (rian tuan tu telh chih in) ti a si. A lut-chuak mi pawl tansi an dir nak ding caah ti in rian tuan tu pakhat khat nih pe 6 hlat in dir nak an rin lai, cu ti cun hngah a si lai.

Mizapi um-kal nak hmun kip ah hmaikhuh ai hruk kho mi nih i hruk hrim ding ti a si. *Leng na(n) chuah tik ah hmaikhuh hruk cu a hau lo asinain nan neih ahcun l hruk ko uh tiin kan in nawl. Sizung nih hmanmi hmaikhuh (medical grade masks) le N95 thawhchuah khawhnak hmaikhuh (respirator mask) cu sizung chung a tuanmi caah ti in chiah ding. Hmaikhuh na hruk hmanh ah pe 6 l hlatnak le kut ttawl ning kha zulh peng ding. Hmaikhuh nai hruk lo ruangah dantat na tong lai loh, asinain Governor nih bia a chim mi ah khan dawr ngeitu nih hmaikhuh ai hruk lo mi cu tthawl nak nawl an ngei ti a si. Riantuan uktu (employer) nih rian tuanmi ca ah hmaikhuh ngeih/pek ding ti a si.

Covid-19 ngah khawhnak ding a tlawm ah cun, business cheukhat cu an dawr awn khawh an si cang. Landscaper, lawn service company le plant nurseries cu riantuan khawh an si cang. Big box store nih dum tuahnak thilri cu zuar khawh a si cang i an dum zong awn khawh an si cang. Bike repair shops (bicycle remhnak dawr) zong awn khawh si cang. Ralring te in i hlatnak (social distance) le ngandamnak ca ah bia khiah mi zulh an hau.

Governor nih mizapi zilh ding ti in a chim mi, mah le inn cio ah um ding timi hi COVID-19 dohnak ah a ttha cem mi a si ruangah zilh cio ding in a kan sawm. Michigan khua chung ah COVID-19 testnak tam deuh a um cang i zawtnak ai langhning (symptom) nemmi a ngei mi siseh, nunnak ca ah ti in rian tuan tu pawl symptom an ngeih le ngeih lo zong test khawh an si cang. Testing konglam tam deuh theih na duh ahcun "[Michigan.gov/coronavirustest](https://michigan.gov/coronavirustest)" ah rel khawh asi.

Michigan State nih COVID-19 case tha tein an zoh lengmang lai i a herh ning in cawlcangh a si te lai. State lei in Test nak tam deuh pek ding mi le first responders (police, siibawi, nurse, firefighters, EMT, etc.) ca ah ti in PPE (hmaikhuh le khamnak thil pawl) tuah/kawl piak an l zuam lai ti asi.

*Theih ding: Center for Disease Control lei in bia an kan cah mi cu hngakchia kum 2 tang a simi, thawhchuah ai harh tawnmi, a lungfim lo mi, tha a ngei lo mi si lo le amah tein hmaikhuh ai phawih kho lomi cu hmaikhuh hruk/khuh lo ding ti a si.

